

অইনিলেখামানছিনি-জুং-৫

# জৌতুক : তীকাঙিপাৰা চলায় বিবিকায় দংচা ছাওছে

জৌতুক ভাংকায় অধিনিয়ম, ১৯৬১



সাক্ষর চানহ

ৰাজ্যিক সম্পদ দাম অসম  
ৰাষ্ট্ৰীয় সাক্ষৰতা মিছন প্ৰাধিকৰণ  
মানৱ সম্পদ উন্নয়ন মন্ত্ৰালয়  
ভাৰত চৰকাৰ



ন্যায় বিভাগ  
বিধি আৰো ন্যায় মন্ত্ৰালয়  
ভাৰত চৰকাৰ

# জৌতুক : তীকাঙিপাৰা চলায় ৰিবিকায় দংচা ছাওছে

জৌতুক ভাংকায় অধিনিয়ম, ১৯৬১

আইনিলেখামানছিনি-জুং-৫



সাক্ষৰ ভাৰত

ৰাজ্যিক সম্পদ দাম অসম  
ৰাষ্ট্ৰীয় সাক্ষৰতা মিছন প্ৰাধিকৰণ  
মানৱ সম্পদ উন্নয়ন মন্ত্ৰালয়  
ভাৰত চৰকাৰ



সম্যম জয়তে

ন্যায় বিভাগ  
বিধি আৰো ন্যায় মন্ত্ৰালয়  
ভাৰত চৰকাৰ

**Joutuk : Twikangipar Chatai Ribikai Dongtsay Saotshe (Dahez Parampara Nahi Avishap) :** This book is based on legal awareness for the neoliterates on Dowry Prohibition Act 1961 in Rabha language. This book is prepared by National Literacy Mission Authority and Department of Justice, Govt. of India, New Delhi. This book is translated and published by State Resource Centre Assam, 1-CD, Mandovi Apartments, GNB Road, Ambari, Guwahati-781001 (Assam)

March 2017 (500)

আদত কাওজা : দহেজ পৰম্পৰা নহী অভিশাপ

কাওজা তাকবা : শ্ৰীচাৰুমোহন ৰাভা, শ্ৰীদুৰ্য্যোধন ৰাভা

হাবাদামি : শ্ৰীশান্তৰাম ৰাভা, শ্ৰীঅমল ৰাভা

হাবা ৰাবাতাং :

ভাৰত চৰকাৰনি : ৰাজেশ দেউলী, আঁচনি প্ৰবন্ধক, অনশুল চাক্সেনা, আঁচনি বিষয়া

ন্যায় হাবাথোক : গোবিন্দ বৈশ্য, ৰাজ্যিক সমন্বয়ক, অসম

আৰো ন্যায়

মন্ত্ৰালয়নি

ফালাঙিপাৰা

হাবাদামি

তঙা জাংকায় :

পাইলা প্ৰকায় : মাৰ্চ ২০১৭ (৫০০)

ততোপ্ৰ'বা : ৰাজ্যিক সম্পদ দাম অসম, মাগুৰী এপাৰ্টমেণ্টছ, জি এন বি ৰোড,  
আমবাৰী, গুৱাহাটী-৭৮১ ০০১

তীপানগিৰি : অনুৰাধা বৰুৱা, প্ৰসন্ন কুমাৰ কলিতা  
চাৰুমোহন ৰাভা, দুৰ্য্যোধন ৰাভা (জুবো)

চাপাদাম : শৰাইঘাট অফছেট প্ৰাইভেট লিমিটেড  
বামুণীমৈদাম, গুৱাহাটী-৭৮১০২১

## চোকছাছনি

লেখামানছিনি ভাৰত হাবাজ্ৰং ২০০৯ চননি ছেপ্তেম্বৰ মাহদিগি চোংকায় চাঙবা। একায় হাবাজ্ৰংদিগি দেখনি চাপানছন লেখামানকায় মেচা তংকায় ৪১০ খান ছিলামুক বাঁমে বাকায় চাঙাতা। নেমিন খাৰে ছিঙিনি মিচিটাং অনুসুচিত জাতি, জনজাতি আৰো সংখ্যালঘু জাতিনি কায়তাঙো লেখামানছিনি ভাৰত হাবাজ্ৰং দিগি চি বাকায় চাঙাতা। একায় হাবাজ্ৰং দিগি চাতাৰ লেখামানছিনি ছীমান ছীমান বৃধি আৰো ঝাংছিনিনি ত্ৰাওছিনি আৰো ছীমান মান ছিখানাবা পামে বাকায় চাঙাতা। লেখামানছিনিনা ত্ৰাংগিৰি বিজাননি চাৰ্পাক পেকে লীগা খাৰে পাঙে ছীম্ তাকে ঝাংকায়নি বাদাং ইন্টাৰপাৰ্চনেল মিডিয়া কেম্পেইন চোংকায় খাৰকায় চাঙাতা। একায় কেম্পেইন দিগি আইননি লেখামানছিনিনা পাঙে জোৰ ঝাংকায় চাঙাতা।

আইননি লেখামানছিনিনি কাথাৰে দৌমদাক কায়ান ফামানা নেকেৰে আইননি লেখামানছিনি শৃংখলানি জ্ৰং খাৰকায় চাঙাতা। ভাৰত ছামলায়নি মানব সম্পদ উন্নয়ন মন্ত্ৰালয়নি তাছিতেকা ৰাষ্ট্ৰীয় লেখামানছিনি মিছন প্ৰাধিকৰন আৰো বিধি আৰো ন্যায় মন্ত্ৰালয় (ন্যায় বিভাগ) নি তাছিতেকা গুৱাহাটী দিগি জোগায়কায় কামিনি হাবা দিগি অসম (অসমীয়া কাথা), ত্ৰিপুৰা (বাংলা কাথা) আৰো ছিকিম (নেপালী কাথা) নি বিশেষজ্ঞ, ছুগিৰি বা ৰাজ্যিক আইনী সেৱা প্ৰাধিকৰণনি গাঁৰতেকা আইনী লেখামানছিনিনি পাকজাবিজান তাক্কায় চাঙাতা।

আইনী লেখামানছিনি পাকজা তাক্কায়না, ন্যায় মন্ত্ৰালয়, ভাৰত ছামলায় আৰো এক্সেচ টু জাষ্টিছ (নৰ্থ ইষ্ট এণ্ড জম্মু কাশ্মীৰ A 2 J NE & JK) নি প্ৰকল্প সঞ্চালকান কাৰিকৰী চাগছিনি ঝাংনাতা আৰো এদিগিনা ভাৰত ছামলায় নি ন্যায় বিভাগনি দংছিনি ঝাংনাতা। ৰাষ্ট্ৰীয় লেখামানছিনি মিছন প্ৰাধিকৰণনি দৌমদাক চাগছিনি সংস্থা, বিভাগনি বাদাঙা চাকছাছিনি ঝাংনাতা। একায় পাকজাবিজান হাছিছ-কুৰিছ বিজানি মাজাৰি আইনী সজাগতা ৰাবানো আঁনে আছা খাৰকায় চাঙা।

ৰাষ্ট্ৰীয় সম্পৰতা মিছন প্ৰাধিকৰণ  
মানব সম্পদ বিকাশ মন্ত্ৰালয়  
নতুন দিল্লী

## চিঙি খুকাছা

ৰাজ্যিক সম্পদ দাম অসম একায় কাগজানি ৰাভা কাথানা খেপেনে ততোপ্ৰনা তাছি ৰানাতা। গুৱাহাটী দিগি নুকায় লেখাও তাকছিনি হাবা দিগি একায় কাগজা ৰাভা কাথানা খেপেনকায় চাঙা। খেপেনকায় কাগজাও অসম হাছং আইন সেৱা প্ৰাধিকৰণনি গাঁৰবিদাৰি দংছিনি খীপা। একায় ছুজুকিয়ান কামি খাৰছিনি দিগি চাকে বাকায় দৌমদাক কাথনা নেকে ছিৰাছং খীপজো। আছা ৰাছামজো কাগজা পৰায় থোক নাছিমানে তাছি থোঙে ৰানো।

সমীৰণ ব্ৰহ্ম  
ৰাজাস্ত্ৰা  
ৰাজ্যিক সম্পদ দাম অসম



## ASSAM STATE LEGAL SERVICES AUTHORITY

1ST FLOOR, GAUHATI HIGH COURT, OLD BLOCK  
GUWAHATI - 781001, ASSAM  
PHONE : 0361 - 2516367, FAX : 0361 - 2601843



অসম ৰাজ্যিক আইন সেৱা প্ৰাধিকাৰী  
গুৱাহাটী - ৭৮১০০১

No. ASLSA-38/2014/21

Dated: Guwahati the 18 th April '2016

To

The Director,  
State Resource Centre - Assam,  
1- CD, Mandovi Apartments,  
GNB Road, Ambari, Guwahati-781001  
(Assam)

**Sub:** VETTING OF IEC MATERIALS ON LEGAL LITERACY COMPONENTS - ASSAMESE.

Ref.: Your letter no. SRC/170/97/654-56 dated 21.03.2016.


Dear Sir,

In inviting a reference to the subject as cited above, undersigned has the honor to state that the vetting of the IEC materials ( in Assamese) have been completed and are being returned herewith after minor modifications in sentence/word structuring on the legal literacy components and the modified word/sentence is highlighted in erasable pencil markings.


Vetting of the rest of the IEC material (in Nepali & Bengali) is also being arranged and will be returned as soon as these are completed.

With best regards

Yours faithfully

  
18/4/2016

(Mridul Kr. Saikia)  
Member Secretary i/c  
Assam State Legal Services Authority



Encl:  
As stated above.

# জৌতুক : তীকাঙিপাৰা চলায় ৰিবিকায় দংচা ছাওছে

ৰাজমোহন কাকায় মেচাছৰা পদুমায়নি জোৰাছিনি বাদাঙা নেমিন ভাবিনা লাগিকায় চাংজো। পাংৰাঙা হাদামনিপাৰা খপৰ মাননাতামীন। বিবাহাদামিবে নোকহা নোকদ্রংনি নুকবাৰচা ৰিছিৰাবে জৌতুকনি বাদাঙা জোৰাছিনি জোৰায়কায় চাংচাজো।

পদুমায় বানানা কানি ৰাখুজো যে উ পৰায়-নায় চাকৰি খাৰনা নামেতা। জাবা খৰচা উনি জোৰাছিনি বাদাঙা চাঙো, উকায় তাকাপায়চা উনি পৰায়বায়না খৰচাখাৰদং পাঙে লাভ চাঙো।



ৰাজমোহন আনজো মেচাছব্ৰানা, জৌতুক চিঙি তৌকাঙিপাৰা  
চলাই ৰিবিকায় নিয়ামনাবে দিবিনা জাংচা। চাবান পদুমায়নি  
জোৰাছিনি চাঙে ৰেংজো। ৰাজমোহন নেমেন দুখ মানে জৌতকনি  
বাদাঙা পায়চা জোতায়জো। জোৰাছিনিতি জিতুৰি নি নোকিনি  
কাথামতি দীমদাক বয়বস্তু আৰো নগদ তাকা ৰাখুই পদুমায়না বিদায়  
ৰাখুজো।

পদুমায় নেব্ৰানি নোকিনাৰেঙে পাঙেছান খীচানখাৰে তঙাছানা  
মনেচা। বাৰাংবাৰাং পদুমায়না জৌতুকনি বাদাঙা খাৰমাছ খাৰে  
তয়তা। নেব্ৰানি নোকিনি খাৰমাছ ছজ্য খাৰনা জাংচায় চাবানা পদুমায়  
খায় ছিয়া।

ৰাজমোহন তৌকাঙি চলায় ৰিবিকায়ো ৰাছামা ৰেঙে আতো  
মানজো ?

তেপে তংকায় তৌকাঙিপাৰা চলায়তংকায় নিয়ামনা ৰাছামা ৰেঙে  
ছিখানি কাথা ভাবিচাৰাঙে জৌতুক আতা ৰাখুই মেচা ছব্ৰানা বিয়া  
(জোৰাছিনি ৰাখুকায়নি ফল ৰাজমোহন অকালিয়ান ছব্ৰা মেচানি  
ছিকায় ওছে প্ৰাওৰে ৰাবাজো। ৰাজমোহন নেমে ফামানা মানজো -  
জৌতুকবে তৌকাঙি পাৰা চলাই ৰিবিকায় নিয়াম দংচা, ইবে  
ছাৰাওছে। ইবে ছমাজতি মুছা আৰো মেচানি মাজাৰি ভেদভাৰছে  
বাৰায়া। এগান্দাকায় নেমচাকায় নিয়ামো গীজাৰনা চৰকাৰ  
জৌতুকনি ফীচাৰখাৰে আইন বানায় ৰাজো। একায় আইনান  
জৌতুক ভাংকায় অধিনিয়াম ১৯৬১।



### জৌতুক আতো ?

- ◆ জোৰাছিনিনি জোৰায় জিতুৰি ফালাং, ছাতুৰি ফালাঙা নগদ ধন আৰো ছোনাগয়নানি দীকায়কায় দীবায় ।
- ◆ দীবায়কায় জোৰাছিনিনি তৌকাং, জোৰাছিনি ছীমাং আৰো চাবান বা চাঙা জাঙেতা ।
- ◆ ছান ছানি চাৰ্পাক চাথানকায় পাকজা জাখাৰে তি.ভি., ফ্ৰীজ, কুলাৰ, ফাৰ্নিচাৰ, মতৰ-গাৰি, মতৰচাইকেল, ফ্লেত, হাত-নোক গান্দাকায় দামি পাকজাও দীবায় নানকায়ন জৌতুক আনো
- ◆ উকায় দৌমদাকনজৌতুক আনা ।



সুধীৰ আৰো মালতিনি জোৰাছিনি থিৰাং খাৰজো । সুধীৰনি বান্ৰা জোৰাছিনি চাঙা তীকাঙান ফীজ, ৫ তোলা ছোনা আৰো নগদ তাকা দাবী খাৰা । জোৰাছিনি বন্দবস্ত চংবা জোৰাতিয়ান মালতিনি বান্ৰাবে দীবায়কায় পাকজা ৰাখুনা মানি ৰাখুজো । মালতি জোৰাছিনি চাঙে জৌতুক ৰা জে নেব্ৰানি নুকিনা ৰেংজো ।

আইনি নেকেনি সুধীৰনি বান্ৰা জাখাৰে, দোছি আগান্দা মালতিনি বান্ৰাবা দোছি । আইন মতি বে কামিং বা দায় মাননান লাগিকায় । আনাদংবে জৌতুক ৰাকায় জা দোছ ৰাখুকায়বা আখাৰেয়ান দায়ি চাঙা ।

### জৌতুক ৰাকায় আৰো ৰাখুকায় ছান্তি

জৌতুকনি মূল্য ১৫০০০ তাকানা কাৰা পাংদংবে অগান্দা দায় চাঙা ।

### জৌতুক নামকায়বে দায়

নিতুনি জোৰাছিনি ৰঘুনাথনি ছান্ৰা ৰাকেছ পাকে বন্দবস্ত চাংজো । জোৰাছিনি চাঙা ৰাংগ্ৰেছানি ৰাকেছনি বান্ৰা জৌতুক দীবায়জো আৰো জৌতুক মানচাদংবে জোৰাছিনিয়ান চাংচান আঁনজো ।

নিতুনি বান্ৰা নেমিন চিন্তা চাংজো । উনি ফামানকায় কায়ো বঙে একাথা কানিবায় উ থানায়না নালিছ ৰাখুনা কানিজো । থানায় নালিছ ৰাখুকায় চাবায় ৰঘুনাথনা জৌতুক নামবায়নি বাদাঙা পুলিছ উৰো খায় ৰাংজো ।



জৌতুক নামকায়নি দায়

- ◆ পাংচাদংবা ক্ৰেব বাংথ্ৰেক্ৰেবনি পাৰা বীছাৰনিং জিকেনা ফাতেক।
- ◆ ১০,০০০ তাকা দায়।

জৌতুক বাকায় আৰো বাখুবায়না ছহায় খাৰকায়বা দায়

জগমোহান খাতাঙা মুচা আৰো মেচানি ফালাঙি পাৰা জোৰাছিনিনি  
বাদাং কায় বিবায় ভোৱা। মুছানি ফালাঙি পাৰা উৰো নেমেন

চোকছাআ আনাদংবে উ জিতুৰি (দৰা) নি বাদাঙা জৌতুক লেনদেন  
খাৰে ৰাখুৱা ।

জগদিছ সুৰেশনি জোৰাছিনি লগপাকে খাৰে ৰাখুজো । সুৰেশনি  
বাবানা জৌতুক পাকে নগদ লাখছা তাকা আৰো পাৰাঙা গহনা  
ৰখুকায়নি ব্যবস্থা খাৰে ৰাখুনো আৰো কাকামুংবা পুৰক্ষাৰ গান্দা  
৫০০০ তাকা ৰাজো ।

একানবে জোৰাছিনি বন্দবস্ত খাৰকায় চাঙা কাকায় আপচ গুস্তি  
দং ঘটক দং পাকেছে থিক খাৰকায় চাঙা । ঘটক দংকায় কাথা  
ববয়বা চাবানি জৌতুকনিবা লেনদেন খাৰে তাম্বাতা । আইনি  
নেকেনি ঘটক বিজানবা দায়ি । জৌতুক ৰাকায় আৰো ৰাখুকায়  
গান্দান দায়ি ।

**জৌতুক ৰাকায় আৰো ৰাখুকায় ছহায় খাৰকায়নি দায়**

দংচাদং বাঁবছৰ ফাতেক । ৫০০০ তাকানি দায় বা জৌতুক ১৫,০০০  
তাকানা পাংচাদংবে, অকায় তাকানি ছীমান দায় ।

প্ৰিয়া জগতনি মেচাছাবা ছাকছাংছান উনি জোৰাছিনি বাদাং উনি  
ৰাবা খপৰ কাওজাতি লুকচাক খাৰে ৰাখুৱা । জিতুৰি লাগিয়া ইনো  
বীছ ২২ বীছাৰ, বাককা, চিনা নেমা । জোৰাছিনি চেদাং পাংৰাঙান  
জৌতুক ৰাখুকায় চাঙো, হাউছাখাৰবাতাং খপৰ ৰায় চিনা জাঙা ।

কয়বে জোৰাছিনি বাদাং খপৰ কাওজাতি নুকচাক ৰাখুৱা । মুচাতাংবে  
চাকৰি বাকৰি চিনায়বা জৌতুকনি কথানি ইংগিত ৰাখুৱা । মেচানি

নোকিনিপাৰাবা নগদ তাকা আৰো ছম্পতি ৰাখুকায়নিবা মুকচাকি  
তুনুকায় দায়। নালিছ কিদংবে ছান্তি/দায়।

আইনি নেকেনি ইনিবাদাং দায়

- ◆ পাংচাদংবা ৰাংগ্ৰে ক্ৰোৱনিপাৰা বীছৰ বীং চেকেনা ফাতেক।
- ◆ ১৫,০০০ তাকা চেকেনা দায়।

জোৰাছিনিপাকে ৰাখুকায় দীমদাকান জৌতুক দংবা?

জোৰাছিনিপাকে চাতুৰিনা দান ৰাখুকায় চাঙা, ইকায়বে জৌতুক  
দংছা। আইনমতি ইকায়নি ছয়মান তোৰা, কিন্তুনা নিয়াম তোৰা।

- ◆ দাননি খছা ছুকায় তালিকা তঙা লাগিয়া।
- ◆ একায় তালিকা জোৰাছিনি জোৰায় চাঙা লাগিয়া।
- ◆ দাননি একায় অনুমানিক মূল্য তুনুকঙা লাগিয়া।
- ◆ দানৰাখুকায় কায়বা কাকামুঙি মুং ছুই ৰাখুনা লাগিয়া।
- ◆ জিতুৰি ছাতুৰি পাকে তংকায় ছীমান্দানি কাথা ছুই ৰাখু।
- ◆ তালিকাতি তংকায় জিতুৰি ছাতুৰি পাকে তংকায় ছীমান্দা  
তুনুকঙা লাগিনো।
- ◆ তালিকাতি জিতুৰি ছাতুৰিনি মুতচাপ তঙা লাগিয়া।
- ◆ দান ৰাখুনা কায়নি জাংমানি দানৰাখুকায় চাঙা লাগিয়া।

এগান্দাকায় দান নামা লাগিচা জাও নামদংবা বাখুনা জাংচা ।

ৰমা আৰো মহেশনি জোৰাছিনি বন্দবস্ত চাংজো । জোৰাছিনি জোৰায়  
ৰমানি বান্ৰা আৰো কাকাৰঙি কায়তাং উৰো নেমেন দান ৰাখুজো ।  
ৰমানি বান্ৰা দীমদাক দান, তাকা, পায়ছা, ছোনা-গয়নানি কাৰাবা  
আৰো বেৰগাপাকজানিবা খছা তালিকা তাকজো । তালিকাতি ৰমা  
আৰো মহেশ বা মুতচাপ ৰাখুজো । ৰমা আৰো মহেশনি বান্ৰাতাংবা  
মুতচাপ খাৰজো । মিনি খেৰোৱান ৰমানি জোৰাছিনি চাংজো ।



## মেচানি ধন

- ◆ জোৰাছিনি তীকাং, জোৰাছিনি জোৰায় দং জোৰাছিনি চাবান দং ৰাখুকায় দান বা ছম্পতিবে উনি কাকামুঙিয়ান ছম্পতি।
- ◆ এইবিজান পাকজামুনজান মেচানি ধন। ইনি উছি কাকামুঙি ছন অধিকাৰ চাঙে।
- ◆ একায় মেচানি ধনতিনা চাকছানি অধিকাৰ তংচা।
- ◆ মিচিকবিজান কাকায় মেচানি ধন জামন ৰেঙা অনান ৰাখুনা জাঙা।
- ◆ জোৰাছিনি জোৰায় দানমানকায়নি তালিকা আইনমতি লাগিয়া।

## তালিকা বানায়কায়নি চুংছানি

তালিকা বানায়বাদং মেচাতাং জাবা বিপদতিনা কীচা। একায় তালিকা প্ৰীমান গান্দা ৰাছামা লাগিয়া।

## আইন মতি

- ◆ জোৰাছিনি ছীমাং চাবান বা জোৰাছিনি জোৰায় ৰাকায় জৌতুক, দান আতান শ্ৰীকান ৰাংগ্ৰে থামনি চাবানি মেচানা নাকে দীবাৰে ৰাখুনা লাগিয়া।
- ◆ মেচাছাৰা ৰাকায় ছম্পতিনা জানিবা অধিকাৰ তংচা।

- ◆ মিচিক জানা বখুনা মন বেঙা উনান বাখুনা মাননো ।
- ◆ জৌতুকতি মানকায় ধন ছম্পতি মিচিক জানা তানা বাখুতা অরান নেমৰাঙে আয়ছুঙে তানা জাঙো, নাহ্নে মিচিককায় জাওনামা অকায় ধন আপত্তি তংচাৰাঙে ঘূৰাই বাখুনা লাগিনো ।
- ◆ এগান্দাকায় কায়নিপাৰা তাকা পায়চা বা ছম্পত্তি ঘূৰাইৰানা তীকাং মিচিক কায়নি চাৰ্পাক ফাকা দংবে, উনি জাতকায়ান উকায় তানকায় কায়নিপাৰা তাকা ছম্পতি বিজান বানা মাননো । মিচিকব্রানি বাৰায় জাততাং উনি ছব্রাকায়দং জিব্রা বা বব্রা তাঙান বাঙো ।
- ◆ চাংবা জদি তাকা-পয়চা ছম্পতি ঘূৰাই বাখুনা নামচা অন্দংবে অনি ফীছৰ চাঙে মোকৰ্দমা খানা জাঙা । দোছ মান দংবে অনা নেমে ছাস্তি বাখুনা জাঙো ।

### মিচিকনি ধন (জৌতুক) ঘূৰাই বাখুচাকায়নি ছাস্তি

- ◆ ক্ৰোব বাংগ্ৰেনিপাৰা বীছৰনিং জিকেনা ফাতেক ।
- ◆ ৫০০০ তাকানিপাৰা ১০,০০০ তাকা জিকেনা দায় ।

### জৌতুক বাকায়নি বাদাং নালিছ

মালতিনি জোৰাছিনিনি পাইলা জোৰাছিনি বীছৰ । একায় ছানতি অ'বংমানে মানিনা নামবা । নাহ্নে নেব্রানি নুকিনি কায়তাং

অগান্দাখাৰনা মানা  
খাৰা। জৌতুকন  
ৰাবানা অৰং মালতিনা  
দীবায়া আৰো  
নেমচাকায় আকল  
তুনুঙা ৰিমজো।  
অৰঙিদীমদাক কাথা  
ছুই থানায়না ৰিপোর্ট  
ৰাখুজু। নালিছ চাংজো  
আৰো কোৰ্ট অৰঙো খায়ৰাঙা হুকুম ৰাখুজু।



নালিচ চাং ৰাখুনা জাঙা —

- ◆ খাৰমাছনি মাছাবা মিচিক, উনি জিৰা-বাবানা দং জাতকুল দং  
নালিচ খাৰনা জাঙা।
- ◆ পুলিচ চামলায়গিৰি দং চৰকাৰি ছয়মানবা কাকামুঙিদল।
- ◆ বিচাৰ নোকি এগান্দাকায়নি খপৰ মাননাবা তোৰা।
- ◆ জৌতুকনি ৰিপোর্ট ছুকায়/ছুরাকায়নি জোৰানি ছিমা তংচা।
- ◆ জানচোক চেঙে জাঙা অনচোক চেঙেয়ান ৰিপোর্ট ছুতাঙা  
জাঙো।



বাৰছা জৌতুকনি দয় নালিছ দাখিল ৰাখুদং, চাবান ফালাং নিংবা  
ভাকা-ছিকা (বুজাবুজি) চাঙে বিবিদংবা নালিচ ছাংকায় ৰিপোৰ্ত  
ঘুৰাই ৰানাজাংচো ।

- ◆ বিয়া (জোৰছিনি) নি চাবান জৌতুকনি বাদাং হাৰা-খাৰা ।
- ◆ কককায় খাৰমাছ
  - মিচিতাঙি চাৰপাক ছাকায় আৰো ছিলিনা দুখ ৰাখুকায় ।
  - মিচিতাঙি ছিদিবিকায় ।
- ◆ থাপাক থাখামকায়
  - মিচিতাঙা নুকি চীপে তানকায় ।
  - চাকায়-ৰীংকায় ৰাখুচাকায় ।
  - নোকদ্রং তঙা নাকে মিলিনা ৰাখুচাকায় ।
  - উৰো নেমচা আঁনে আঁনকায় ।
  - কাৰণ তংচাৰাঙে কানতানা ছয় ৰাচাকায় ।

ফুলকুৰৰি জোৰছিনি চাবান নেৱানি নুকিনা বিবিজো । নেৱানি নুকিনা  
ৰিবিকায় চাবানি উৰো বাৱানি নোকিনাপাৰা তাকা-পায়চা ৰাবায়  
তঙা কানিজো আৰো ৰাবাচাদঙান নেৰাঙে খাৰমাছখাৰনা ৰীমজো ।  
ফুলকুৰৰিনা উনি নকদ্রং পাকে খেৰনা ৰাখুচাজো । ছাকায় ৰীংকায়

ৰাখুচায় নোক পিমুং ছোনে তানজো । এগান্দাকায় খাৰমাছ ছয়ছনা  
জাংছয় কাকামুঙা খায়চিয়ে কাকায়নি চাৰ্পাক তীপাতে ৰাখুজো ।

### জৌতুকনি বাদাঙা মাৰি ৰাখাকায়

জৌতুকনি বাদাঙা মাৰি ৰাখাকায়নি ছিকায় কান গাঞ্জি “পোস্তমৰ্তেম”  
খাৰচাৰাঙে ছয়ৰাখাদং বা তুপুই ৰাখাদং চুংকায় দায় চাঙা । এগান্দা  
দায়নি দায়খাৰবাকায়নি বীছৰ আস্থাম ফাতেক ছনা লাগিয়া আৰো  
জুৰিমানা চাঙাবা তোৰা ।

এগান্দাকায় মাৰি ৰাখাকায়না জৌতুকনি বাদাঙা মাৰিৰাখা কায়  
আনে মানিকায় চাঙা

- ◆ ছিনাতীকাং মিচিক কায়ো জৌতুক দীবায় খাৰমাছ খাৰকায়  
চাঙাতা মীন ।
- ◆ জানি জোৰাছিনি বীছৰ ছিনা তীকাং ছিনাতা মীনা ।
- ◆ ছিকায় নমৰাঙে ছিচা-নাতামুন ।

### জৌতুকনি বাদাং দায় চাংবানি ছাস্তি

- ◆ পাংচাদংবা বীছৰ ছিন ফাতেক । খেং তীপানা ফাতেক । জৌতুক  
দয় মাৰি ৰাখাকায়নি বাদাং পুলিচ আতো খাৰনা লাগিয়া ।
- ◆ পুলিচ কাকায় তংকায় বিচাৰগিৰিনা জানায়না লাগিয়া ।

- ◆ পুলিচ চামলামগিৰি চাংবা হাদামিনা কাকায় বেঙে চাংবা কায় ফানে চিনা লাগিনো ।
- ◆ পুলিচ ডাক্তৰনি দ্বাৰায় পোস্তমৰ্তেম খাৰতাকে ছিকায়নি কাৰন ফানা ব্যবস্থা খাৰনো ।
- ◆ পুলিচ চাংবাহাদমিনাবেঙে চাংবা হাদমিনি ছাকছাদং কামিং দং ফামুং-ছুমং কায়না ৰায় বোৰায় আবায় প্রতিবেদন তাঙো । প্রতিবেদনতি পুলিচ ছামলায়গিৰি আৰো উছি তথাতাঙি মুতচাপ ৰানো বা মুতচাপ তঙা লাগিনো ।

### ছিংনকায় ছাওবেগান্দা ৰাখানা জাঙো

ছিঙি ছামছা ৰাছং । একায়নি বাদাং মিচিকনা নাবা বেৰকম খাৰমাচখাৰা, উনি মাজাৰি জৌতুক নামকায়বা গছা । একায়গছা ছাও । একায় নিয়মনি বাদাং

- ◆ চিং একায় ছামাজিক ছাওনা ৰাখানা লাগিনো । আইন চিঙা ছহায় থাৰনো ।
- ◆ চাংবা মিচকৰানা মাৰি ৰাখাদংবা উনা মাৰি ৰাখাকায় চাংজো আনে খছা এফ.আই.আৰ. থানাইনা ৰাখুনা লাগিনো ।

- ◆ পুলিচ এজাহাৰ ৰাছমা গংচাদংবে, উনা চুংকায় ছামলায়গিৰিনা জানায়ন লাগিয়া।
- ◆ জৌতুক ফীচাৰখাৰে হাছিছা কৰিছনি মাজাৰি জাগ্ৰিছনি ৰাবানা লাগিনো।

### আইননি ফীচাৰ খাৰকাৰ

আইননা মানিচায় ফীছাৰ চাংবা তাঙি ছান্তি চাঙা

- ◆ চাংবাকায় জৌতুকনি দয় দংচাকায় কাথাও ৰায়ে দিগদাৰ খাৰদং।
- ◆ দংচাকায় কাথাখায় আইনা আউল খাৰদং।
- ◆ দংচাকায় নালিছ ৰাখুই বিচাৰনোকিনা ৰাখুদং বিচাৰগিৰি অনানাকে ফাতেক আৰো দায় খাৰনো লাগিনো।
- ◆ বিচাৰদাম (ন্যায়ালায়) খাৰমাছখাৰে মাছবাতাঙো নালিছ ৰাখুদং খতিপুৰন আদায় ৰাখুনা লাগিনো।



Sakshar Bharat

**STATE RESOURCE CENTRE ASSAM**

**1-CD, Mandovi Apartments, GNB Road**

**Ambari, Guwahati-781001**

**E-mail-srcassam@hotmail.com**

**Website : [www.srcguwahati.in](http://www.srcguwahati.in)**